

datum fuerit hominibus. (2) *Sape repetitum*; Reiteratio siquidem criminis poenam auget, cum ibi propositum fallendi & delinquendi magis sese exferat, quam si quis semel aut bis deliquerit. Inde occasione L. 16. §. 10. ff. de Poenis, facta est hæc regula: *Reiteratio delicti poenam exasperat.*
 (2) *Dolosum*, id est, à sciente & volente cum proposito defraudandi, & ita dolo malo perfectum. Quæ tria si in hac specie falsi concurrunt, poena arbitraria ad mortem usque poterit extendi, si id ita Prudentibus, qui omnes delicti circumstantias ponderaverint, visum fuerit; illorum quippe sententia requirenda est.

ARTIC. CXIV.

Pœna termini moti.

Straff derjenigen / die fälschlich und betrieglich Untermarckung / Reynung / Wahl / oder Marck-Stein verrücken.

Welcher bößlicher und gefährlicher Weiß ein Untermarckung / Reynung / Wahl / oder Marck-Stein verrückt / abhauet / abthut / oder verändert / der soll darum peinlich am Leib / nach Gefährlichkeit / Groß / Gestalt und Gelegenheit der Sachen / und Personen / nach Rath gestrafft werden.

AD ARTIC. CXIV.

ARGUMENTUM.

Qui dolosè terminos sive lapides agrarios ad dominiorum distinctionem collocatos immutat, loco movet, vel planè evellit, pro qualitate criminis & delinquentis juxta consilium Prudentum puniendus est vel capitali supplicio, vel pœna mitiore.

EXEGESIS.

(I.)

Quamvis termini, quibus distinguuntur limites & fines territoriorum, provinciarum, ac districtuum, plerumque sint naturales, uti flumina, montes, colles, saxa, fontes, rivi, utpote quos natura ipsa constituit, adeoque ex opinione hominum pro immobilibus & perpetuis habeantur. Sfortia Oddus *Conf. 21. n. 3. fol. 85.* & ea propter Baldus terminos istos dixerit *æternos*, Oettinger *l. 1. c. 2. p. 9. de Jure Limit.*

Ta-